

Serie A N.º 1176118

SESIÓN ORDINARIA DO CONCELLO PLENO**25/ABRIL/2002****SECRETARÍA**

- 1.- APROBACIÓN, SI PROCEDE, DA ACTA DAS SESIÓNS DE DATAS 21 DE MARZO E 2 DE ABRIL DE 2002.
- 2.- ACTIVIDADE DE CONTROL DO PLENO.
- 3.- DAR CONTA DAS RESOLUCIÓN DA ALCALDÍA.
- 4.- APROBACIÓN RECOÑECIMENTO DA COMPATIBILIDADE Ó ARQUITECTO MUNICIPAL.
- 5.- DAR CONTA EXPEDIENTE DE MODIFICACIÓN DE CRÉDITO NÚM. ½
- 6.- APROBAR PREMIOS DE AVENENCIA EN EXPEDIENTE EXPROPIACIÓN CEMITERIO MUNICIPAL DE MAÑÓ.

ENSINO

- 7.- APROBACIÓN BASES PARA CONCESIÓN DE SUBVENCIÓN A FAMILIAS PARA O CURSO 2002/2003 NO REFERENTE A AXUDAS PARA GASTOS DE LIBROS DE TEXTO.

PATRIMONIO

- 8.- APROBACIÓN DE COMPROMISOS E OBRIGA PARA EXECUCIÓN DUN AUDITORIO EN REDONDELA.

MOCIÓNS

- 9.- APROBACIÓN DA DESIGNACIÓN RÚA PADRE SARMIENTO.
- 10.- MOCIÓN DO BNG EN SOLIDARIEDADE CO POBO PALESTINO.

ASUNTOS FORA DA ORDE DO DÍA

- A).- APROBACIÓN DA RECEPCIÓN E DA INCORPORACIÓN Ó INVENTARIO COMO BEN PATRIMONIAL DO AUDITORIO JOSÉ FIGUEROA.
- B).- DESIGNACIÓN DE REPRESENTANTE DO PARTIDO POPULAR NA MANCOMUNIDADE DA ÁREA INTERMUNICIPAL DE VIGO.
- C).- **MOCIÓN DE URXENCIA** DO GRUPO MUNICIPAL DO PSOE EN RELACIÓN CO PLAN SAÚDE MENTAL.
- D).- **MOCIÓN DE URXENCIA** DO GRUPO MUNICIPAL DO BNG EN RELACIÓN COA NORMALIZACIÓN LINGÜÍSTICA.

ROGOS E PREGUNTAS.

Na Casa do Concello de Redondela, sendo as vinte horas do día **vintecinco de abril do ano dous mil dous**, baixo a Presidencia do Sr. Alcalde, D. XAIME REI BARREIRO, e a asistencia dos/as Sres/as Concelleiros/as: D. MANUEL JAVIER NÚÑEZ SALGADO, D. EMILIO GONZÁLEZ IGLESIAS, DONA M^a DEL PILAR MARTÍNEZ GONZÁLEZ, DONA M^a DEL CARMEN RODRÍGUEZ CUNHA, D. ALEJANDRO BASTOS FERNÁNDEZ, D. MANUEL IGLESIAS CARRERA, D. CARLOS GONZÁLEZ FERNÁNDEZ, DONA M^a. DEL CARMEN RODRÍGUEZ RIVAS, D. MANUEL RAMÓN CONDE ROMERO, D. EMILIO SÁNCHEZ SANTORIO, DONA AURORA ALONSO MONTEAGUDO, D. JOSE LUIS ALONSO BASTOS, D. MANUEL PUENTES SAAVEDRA, D. LUIS MÍGUEZ BOULLOSA, D. PABLO REBANAL ALFAYA, D. SALVADOR FERMIN PINTOS FERNANDEZ, D. XOSÉ CARLOS PAZOS DOCAMPO, DONA CECILIA PÉREZ ORGE, D. XOSÉ LUIS GRANDE GRANDE e DONA ROSA COSTAS ESTÉVEZ, asiste tamén D. MODESTO SOLLA SANZ, Interventor do Concello, actuando como Secretaria D^a Ana Isabel del Cerro del Río, Secretaria da Corporación, constitúese o Pleno do Concello, en sesión ordinaria, conforme á convocatoria e de acordo coa Orde do día.

1.-APROBACIÓN, SI PROCEDE, DA ACTA DAS SESIÓNS DE DATAS 21 DE MARZO E 2 DE ABRIL DE 2002.

O voceiro do PP expón que na acta correspondente o 2 de abril, no punto relativo á aprobación do Orzamento, o informe solicitado referíase á Secretaria da Corporación, o que non se fai constar.

Pola Secretaria contéstase que tal referencia si aparece recollida pois o acta reflicte a petición da emisión dun informe xurídico.

Non formulándose máis obxervacións, o **Pleno do Concello**, en votación ordinaria e por unanimidade dos seus membros presentes acorda prestar aprobación ás actas das sesións celebradas os días 21 de marzo e 2 de abril de 2002.

2.-ACTIVIDADE DE CONTROL DO PLENO.

Non se exercitou ningún tipo de actividade de control.

3.-DAR CONTA RESOLUCIÓNS DA ALCALDÍA.

Pola Presidencia dase conta das Resolucións da Alcaldía dende o 14 de marzo de 2002 a 22 de abril de 2002.

O **Concello Pleno**, quedou enterado do contido das Resolucións dictadas.

4.-APROBACIÓN RECOÑECIMIENTO DA COMPATIBILIDADE Ó ARQUITECTO MUNICIPAL.

Pola Presidencia manifestase que o presente punto queda sobre a mesa.

Serie A N.º 1176119

5.- DAR CONTA EXPEDIENTE DE MODIFICACIÓN DE CRÉDITO NÚM. 1/2

O Concello Pleno queda enterado do expediente de modificación de crédito nº 1/2 mediante transferencia de crédito por importe de 51.872,40 € que ten como fin dotar de consignación suficiente ás partidas 023141A16001, 023141A16005, 023221A13102, 023221A13103, 023221A22800, 023221A22801, 023221A22802, 023221A22803, 023221A22804.

6.- APROBAR PREMIOS DE AVENENCIA EN EXPEDIENTE EXPROPIACIÓN CEMITERIO MUNICIPAL DE MAÑO.**ANTECEDENTES**

O Concello Pleno en sesión ordinaria de data 21 de febreiro de 2002, aprobou definitivamente, en fase municipal, o expediente de taxación conxunta, para a ampliación e urbanización do Cemiterio Municipal de Maño.

Acordado o xustiprezo segundo as follas de aprecio que constan no expediente incrementadas nun 5% como premio de afección (art. 47 da Lei de Expropiación Forzosa), corresponde aprobar o "Premio de avenencia", por importe do 8%, segundo acordo Plenario de data 1 de outubro de 2001, cos propietarios que mostraron a súa conformidade e aportaron os certificados do rexistro da propiedade, transcribíndose a continuación a relación de expropiados cos que se formalizou mutuo acordo e as cantidades a percibir:

<u>Titulares</u>	<u>Avenencia</u>	<u>Total</u>
D. Alfonso e D. Gerardo López Cabaleiro	1.472,72 €	20.802,17 €
D. Ismael Losada Fernández	133,89 €	1.891,24 €
D. José Fervenza Otero	4.852,60 €	68.542,92 €

INTERVENCIONS

O voceiro do PP manifesta que o seu grupo vai votar en contra polas razóns xa expostas en anteriores debates plenarios relativos a este expediente.

VOTACIÓN E ACORDO:

O Concello Pleno, con 11 votos a favor dos/as Sres/as Concelleiros/as: D. EMILIO GONZÁLEZ IGLESIAS, DONA Mª DEL PILAR MARTÍNEZ GONZÁLEZ, DONA Mª DEL CARMEN RODRÍGUEZ CUNHA, D. ALEJANDRO BASTOS FERNÁNDEZ, D. MANUEL IGLESIAS CARRERA, D. CARLOS GONZÁLEZ FERNÁNDEZ, D. XOSÉ CARLOS PAZOS DOCAMPO, DONA CECILIA PÉREZ ORGE, D. XOSÉ LUIS GRANDE GRANDE e DONA ROSA COSTAS ESTÉVEZ e mailo do Sr. Alcalde, e con 8 votos en contra dos/as Sres/as Concelleiros/as: D. MANUEL RAMÓN CONDE ROMERO, DON EMILIO SÁNCHEZ SANTORIO, DONA AURORA ALONSO MONTEAGUDO, D. MANUEL PUENTES SAAVEDRA, D. LUIS MÍGUEZ BOULLOSA, D. SALVADOR FERMÍN PINTOS FERNÁNDEZ, D. JOSÉ LUIS ALONSO BASTOS e D. PABLO REBANAL ALFAYA, por maioría de votos, acorda aprobar os

premios de avenencia dos terreos a expropiar para a ampliación e urbanización do entorno do Cemiterio Municipal de Mañó, que se relacionan:

<u>Titulares</u>	<u>Avenencia</u>	<u>Total</u>
D. Alfonso e D. Gerardo López Cabaleiro	1.472,72 €	20.802,17 €
D. Ismael Losada Fernández	133,89 €	1.891,24 €
D. José Fervenza Otero	4.852,60 €	68.542,92 €

Sendo as vinte horas cinco minutos incorpórase á sesión D. MANUEL JAVIER NÚÑEZ SALGADO.

7.-APROBACIÓN BASES PARA CONCESIÓN DE SUBVENCIÓN A FAMILIAS PARA O CURSO 2002/2003 NO REFERENTE A AXUDAS PARA GASTOS DE LIBROS DE TEXTO.

ANTECEDENTES

Pola Presidencia dase conta das Bases para a concesión de subvencións a familias para a escolarización de membros que cursan estudos de educación infantil (3-5 anos), educación primaria, E.S.O e educación permanente de adultos, para o curso 2002/2003 no referente a axudas para gastos de libros de texto, que figuran no expediente asinadas en data 14 de marzo polo Concelleiro Presidente da Comisión Informativa de ensino, e foron dictamindas favorablemente pola devandita Comisión na súa xuntanza de data 20 de marzo de 2002.

VOTACIÓN E ACORDO

De conformidade co dictame da Comisión Informativa de Ensino, de data 20 de marzo de 2002, **O Concello Pleno**, por unanimidade de todos os seus membros presentes, **acorda**:

Primeiro.- Salvar os reparos formulados polo Interventor municipal no seu informe de data 15 de abril de 2002, Rfª. T39/02.

Segundo.- Aprobar as bases para a concesión de subvencións a familias para escolarización de membros que cursan estudos de educación infantil (3-5 anos), educación primaria, E.S.O. e educación permanente de adultos, para o curso 2002/2003 no referente a axudas para gastos de libros de texto.

8.-APROBACIÓN DE COMPROMISOS E OBRIGA PARA EXECUCIÓN DUN AUDITORIO EN REDONDELA.

ANTECEDENTES

Pola Presidencia infórmase da sinatura o día 6 de febreiro de 2001, dun protocolo de intencións entre a Consellería de Política Territorial, Obras Públicas e Vivenda, a Consellería de Cultura, Comunicación Social e Turismo, e o Concello de Redondela para a construción dun Auditorio en Redondela.

Serie A N.º 1176120

En relación con tal acordo o Director Xeral de Urbanismo da Consellería de Política Territorial solicita a remisión o seu departamento dos seguintes acordos: Testemuño do acordo adoptado polo órgano competente do Concello, contemplativo dos extremos seguintes:

- a) O compromiso de posta a disposición, libres de cargas e gravames, de tódolos terreos necesarios, con usos urbanísticos, para a normal execución das obras, así como os correspondentes permisos e autorizacións para levalas a cabo.
- b) A obriga de asumir, unha vez recibidas as obras e logo de comunicación do órgano da Comunidade Autónoma, a explotación, mantemento e conservación delas.
- c) Faculta-lo Alcalde-presidente para a sinatura do correspondente Convenio.

INTERVENCIÓNS

O voceiro do PP solicita que o Sr. Alcalde explique que terreos van ser postos a disposición da Consellería.

O Sr. Alcalde sinala que neste momento unicamente procede adoptar o compromiso, sen especificar que terreos, que poderían ser os da marisma.

VOTACIÓN E ACORDO

O Concello Pleno, por unanimidade de todos os seus membros presentes, acorda:

Primeiro.- O compromiso de posta a disposición, libres de cargas e gravames, de tódolos terreos necesarios, con usos urbanísticos, para a normal execución das obras, así como os correspondentes permisos e autorizacións para levalas a cabo.

Segundo.- A obriga de asumir, unha vez recibidas as obras e logo de comunicación do órgano da Comunidade Autónoma, a explotación, mantemento e conservación delas.

Terceiro.- Faculta-lo Alcalde-presidente para a sinatura do correspondente Convenio.

9.- APROBACIÓN DA DESIGNACIÓN RÚA PADRE SARMIENTO.

Pola Alcaldía dase lectura a seguinte moción:

A adicatoria este ano do Día das Letras Galegas a Frei Martiño Sarmiento, ven a recoñecer o traballo e a vocación dun adiantado na normalización da lingua galega na sociedade.

O compromiso de Frei Martiño Sarmiento co noso idioma, obriga a un recoñecemento por parte de Institucións que como o Concello de Redondela ten dado mostras da súa defensa da lingua galega.

É por isto que o Grupo de Goberno do Concello de Redondela propón ao Pleno

da Corporación a adopción do seguinte acordo:

Designar Rúa Padre Sarmiento a que vai dende o Paseo da Xunqueira a Padre Crespo.

VOTACIÓN E ACORDO

O Concello Pleno, por unanimidade de todos os seus membros presentes, **acorda: aprobar o texto da moción.**

10.- MOCIÓN DO BNG EN SOLIDARIEDADE CO POBO PALESTINO.

O voceiro do BNG, Dº Carlos Pazos, dá conta da moción que se transcribe:

Diante da continua agresión israelí contra o pobo palestino, coa ocupación dos territorios baixo control da Autoridade Nacional de Palestina, e a continua conculcación dos máis elementais dereitos dos homes e mulleres palestinos, como persoas e como pobo, chegando a un punto límite para a supervivencia da nación palestina, fai-se necesaria a mediación da Comunidade Internacional para acadar unha paz xusta e duradeira en Palestina e Israel, e o recoñecimento do dereito da Comunidade Palestina a contar con Estado propio e recoñecido a nivel internacional.

Dada a situación, o Grupo Municipal do BLOQUE NACIONALISTA GALEGO solicita ao Pleno da Corporación a adopción dos seguintes acordos.

1º Facer pública a solidariedade da Corporación Municipal co pobo palestino, e reivindicar que o Goberno español incremente a súa presión política sobre Israel, co fin de que "abandone a súa escalada criminal contra a Autoridade Nacional Palestina".

2º Esixir o cesamento das hostilidades e agresións por parte de Israel, quen debe abandonar de inmediato os territorios ocupados.

3º Rexeitar de xeito radical a actuación do goberno de Ariel Sharon, por atentar contra o dereito internacional, contra os dereitos humanos e por incumprir sistematicamente os mandatos do Consello de Seguridade da O.N.U.

4º Enviar o acordo á Embaixada de Israel en Madrid e ao Goberno Español.
Sendo as vinte horas dez minutos incorpórase á sesión Dª Mª DEL CARMEN RODRÍGUEZ RIVAS.

INTERVENCIONES

D. Manuel Conde Romero apoia a moción , pero amósase contrario a todo tipo de violencia, o que inclúe a exercida polo pobo palestino.

D. Javier Nuñez Salgado manifesta o seu apoio á moción, e propón que se engada no punto primeiro que sexa o Goberno español e tamén a Unión Europea os que incrementen a súa presión política sobre Israel.

D. Carlos Pazos acepta a proposta do PSOE, pero non comparte a postura do PP, xa que as actuacións realizadas por Palestina veñen motivadas polo aniquilamento que está sufrindo o seu pobo.

Serie A N.º 1176121

O voceiro do PP soamente pide que deixen de actuar os kamikazes palestinos.

VOTACIÓN E ACORDO:

O Concello Pleno, con trece votos en contra dos/as Sres/as Concelleiros/as: D. MANUEL JAVIER NÚÑEZ SALGADO, D. EMILIO GONZÁLEZ IGLESIAS, DONA Mª DEL CARMEN RODRÍGUEZ RIVAS, DONA Mª DEL PILAR MARTÍNEZ GONZÁLEZ, DONA Mª DEL CARMEN RODRÍGUEZ CUNHA, D. ALEJANDRO BASTOS FERNÁNDEZ, D. MANUEL IGLESIAS CARRERA, D. CARLOS GONZÁLEZ FERNÁNDEZ, D. XOSÉ CARLOS PAZOS DOCAMPO, DONA CECILIA PÉREZ ORGE, D. XOSÉ LUIS GRANDE GRANDE e DONA ROSA COSTAS ESTÉVEZ e mailo do Sr. Alcalde, e con 8 votos a favor dos/as Sres/as Concelleiros/as: D. MANUEL RAMÓN CONDE ROMERO, DON EMILIO SÁNCHEZ SANTORIO, DONA AURORA ALONSO MONTEAGUDO, D. MANUEL PUENTES SAAVEDRA, D. LUIS MÍGUEZ BOULLOSA, D. SALVADOR FERMÍN PINTOS FERNÁNDEZ, D. JOSÉ LUIS ALONSO BASTOS e D. PABLO REBANAL ALFAYA, por maioría de votos, acorda rexeitar a enmenda proposta polo PARTIDO POPULAR solicitando a condena de todo tipo de violencia.

O Sr. Conde Romero solicita que conste cal foi o sentido do voto do Sr. Núñez Salgado, que contesta alzando a man sinalando o seu voto negativo á proposta.

VOTACIÓN E ACORDO:

O Concello Pleno, por unanimidade dos seus membros acorda aprobar o texto da moción que se transcribe a continuación, engadindo a proposta formulada polo PSOE: Diante da continua agresión israelí contra o povo palestino, coa ocupación dos territorios baixo control da Autoridade Nacional de Palestina, e a continua conculcación dos máis elementais dereitos dos homes e mulleres palestinos, como persoas e como povo, chegando a un punto límite para a supervivencia da nación palestina, fai-se necesaria a mediación da Comunidade Internacional para acadar unha paz xusta e duradeira en Palestina e Israel, e o recoñecimento do dereito da Comunidade Palestina a contar con Estado propio e recoñecido a nivel internacional.

Dada a situación, o Grupo Municipal do BLOQUE NACIONALISTA GALEGO solicita ao Pleno da Corporación a adopción dos seguintes acordos:

Primeiro.- Facer pública a solidariedade da Corporación Municipal co povo palestino, e reivindicar que o Goberno español e a Unión Europea incrementen a súa presión política sobre Israel, co fin de que "abandone a súa escalada criminal contra a Autoridade Nacional Palestina".

Segundo.- Esixir o cesamento das hostilidades e agresións por parte de Israel, quen debe abandonar de inmediato os territorios ocupados.

Terceiro.- Rexeitar de xeito radical a actuación do goberno de Ariel Sharon, por atentar contra o dereito internacional, contra os dereitos humanos e por incumprir sistematicamente os mandatos do Consello de Seguridade da O.N.U.

Cuarto.- Enviar o acordo á Embaixada de Israel en Madrid e ao Goberno

Español.

ASUNTOS FORA DA ORDE DO DÍA

A).-APROBACIÓN DA RECEPCIÓN E DA INCORPORACIÓN Ó INVENTARIO COMO BEN PATRIMONIAL DO AUDITORIO JOSÉ FIGUEROA.

VOTACIÓN DA URXENCIA

O Concello Pleno, en votación ordinaria e por unanimidade dos seus membros presentes **acorda a declaración de urxencia** do asunto e o tratamento e consideración do mesmo.

ANTECEDENTES

1º.- Por acordo do Pleno do Concello celebrado o día 21 de febreiro de 2002 aprobouse inicialmente a desafectación do dominio e do servizo público municipal ó inmovible denominado "Auditorio José Figuerola", localizado na rúa Castro Sampedro.

2º.- O citado acordo someteuse a información polo prazo dun mes mediante anuncio publicado no Boletín Oficial de Pontevedra nº56 de data 21 de marzo de 2002, sen que sen formulara ningunha alegación.

3º.- Unha vez aprobada de xeito automático a desafectación do mencionado inmovible procede, de conformidade co disposto no artigo 8 do Real Decreto 1372/1986, de 13 de xuño, polo que se aproba o regulamento de bens das Entidades Locais, proceder a súa recepción formal.

VOTACIÓN E ACORDO:

O Concello Pleno, en votación ordinaria e por unanimidade dos seus membros presentes, **acorda:**

Primeiro.- Proceder á correspondente modificación no Inventario de Bens Municipais do inmovible denominado "Auditorio José Figuerola"

Segundo.- Proceder á inscrición do devandito inmovible como ben patrimonial no Rexistro da Propiedade.

Terceiro.- Proceder á recepción formal do referido inmovible como ben patrimonial.

B).-DESIGNACIÓN DE REPRESENTANTE DO PARTIDO POPULAR NA MANCOMUNIDADE DA AREA INTERMUNICIPAL DE VIGO.

VOTACIÓN DA URXENCIA

O Concello Pleno, en votación ordinaria e por unanimidade dos seus membros presentes **acorda a declaración de urxencia** do asunto e o tratamento e consideración do mesmo.



NUMERADO
RACIONES
CAIS

Serie A N.º 1176122

VOTACIÓN E ACORDO:

O Concello Pleno, en votación ordinaria e por unanimidade dos seus membros presentes, de conformidade co artigo 9 dos Estatutos da Mancomunidade da Área Intermunicipal de Vigo, **acorda** designar ó Concelleiro do Partido Popular D. Emilio Sánchez Santorio como representante municipal do Concello de Redondela no Pleno da Mancomunidade, en substitución de D. Antonio Lago Melón.

C).- MOCIÓN DE URXENCIA DO GRUPO MUNICIPAL DO PSOE EN RELACIÓN CO PLAN SAÚDE MENTAL.**ANTECEDENTES**

Pola Presidencia dase lectura á moción presentada polo Grupo Municipal do PSOE que transcrita dí:

A enfermidade mental, como calquera outra patoloxía, segue un proceso que vai dende o estudo, diagnóstico e tratamento ata, dependendo das patoloxías, a rehabilitación e reinserción do enfermo na comunidade. Debe ser atendida ó longo de todo o proceso polo servizo sanitario público, asegurando unhas prestacións adecuadas para conseguir obxectivos óptimos.

Entendendo que no que se refire á rehabilitación e reinserción dos enfermos mentais o sistema público non cubre as necesidades deste colectivo, é polo que nacen as Asociacións de Axuda ó enfermo mental que veñen afrontando as responsabilidades do proceso rehabilitador dende hai 19 anos.

Mentras estes servizos na nosa Comunidade Autónoma non sexan asumidos polo SERGAS, faise imprescindible que as Asociacións contén cos recursos necesarios para poder desenvolver os programas específicos de rehabilitación psicosocial e laboral, avalados pola experiencia de todos estes anos. A Xunta conta cos datos necesarios que demostran a eficacia destes programas: dende a diminución do número de recaídas e ingresos hospitalarios, ata a mellora da calidade de vida dos pacientes e as súas familias, pasando pola adquisición de habilidades sociais e profesionais que permiten unha vida persoal, familiar e social máis digna. Estes obxectivos son imposibles de alcanzar se non se fai un seguimento, continuado e individualizado, dos problemas de cada paciente, por personal cualificado.

A insuficiente dotación presupostaria das subvencións, que non cubren o custo real dos servizos que se presta, mailo reiterado retraso nos pagos das mesmas, fan que todo este sistema de atención se vexa continuamente ameazado, poidendo incluso chegar ó peche dos Centros de Rehabilitación coas graves consecuencias que esto tería tanto para o enfermo mental como para a súa familia.

A Constitución garantiza a equidade no trato e a igualdade no acceso de tódolos cidadáns ó sistema sanitario, polo tanto é un dereito dos enfermos mentais non ser discriminados na súa atención.

Dada a situación na que se atopa, na actualidade, este colectivo, a Concelleira que suscribe solicita da Corporación esixir da Xunta de Galicia adopte a maior urxencia as seguintes medidas:

A posta en práctica dun verdadeiro plan de saúde mental baseado nos principios da Reforma Psiquiátrica.

Creación dos recursos para os enfermos mentais que se contemplan na lei, en contra da tendencia de pechar ou privatizar os existentes.

Unha dotación presupuestaria real para as asociacións que xestionan Recursos de Apoio Comunitario.

Asinación de convenios de colaboración entre a Consellería e as Asociacións para non depender da inestabilidade das subvencións que se conceden ano a ano, como se fai na actualidade.

Aplicación duns criterios económicos reais e claros nos convenios de colaboración baseados no custo/praza.

Que as axudas económicas que reciben as Asociacións xestionadoras de servicios cheguen ó principio de ano. Deste xeito evitárase toda a problemática que desencadea a ausencia durante meses de fondos económicos (endebedamentos, supresión de servicios, despido de traballadores...).

Que a Consellería teña en conta ás Asociacións de familias e ós Estamentos que realizan a atención ó enfermo (médicos, psiquiatras, traballadores sociais, terapeutas ocupacionais, auxiliares, etc.) á hora de elaborar plans de atención para o colectivo dos enfermos mentais.

VOTACIÓN DA URXENCIA:

O Concello Pleno, en votación ordinaria e por unanimidade dos seus membros presentes **acorda a declaración de urxencia** da moción e o tratamento e consideración da mesma.

INTERVENCIÓNS:

D^a M^a del Pilar Martínez González manifesta que dá dolor a situación que está a ocorrer, que ven motivada por que o sistema público non cubre todo o proceso da patoloxía mental.

D. Carlos Pazos manifesta que comparte a moción. A posición da Xunta neste asunto é economicista, cando o debido é que a asistencia psiquiátrica sexa dispensada polo SERGAS con carácter público, non podendo supeditarse a asistencia á concesión de subvencións.

D. Manuel Conde Romero súmase ó apoio a moción, pero desexa facer constar que a Consellería está levando a cabo un importante estudo para solventar de xeito rápido este problema.

A concelleira Martínez González di que xa coñece que se está estudando, pero non se pode seguir eternamente buscando solucións, e , ata o momento, descoñécese que Consellería vai conceder as subvencións.

Serie A N.º 1176123

D. Carlos Pazos sinala que este é un problema moi delicado, que afecta a moitas familias, polo que non se pode admitir que se diga que se está facendo un estudio. Trátase dun problema endémico, e non dunha cuestión puntual.

O voceiro do PP di que xa está acostumado á demagogia do Sr. Pazos. Cónstalle á vontade política da Xunta de incluír ós enfermos mentais na rede sanitaria do SERGAS.

Dª Mª del Pilar Martínez pide que se dote ás asociacións dos recursos necesarios, que non se pechen pisos, e que non se disminúan os traballadores, mentras non se acade unha solución definitiva.

D. Carlos Pazos solicita que conste literalmente a información suministrada polo voceiro do PP no sentido que a Xunta vai incluír ós enfermos mentais na rede sanitaria do SERGAS.

D. Manuel Conde tamén solicita que conste en acta a súa afirmación, así como a demagogia empregada polo voceiro do BNG.

VOTACIÓN E ACORDO:

O Concello Pleno, en votación ordinaria e por unanimidade dos seus membros presentes, **acorda aprobar o texto da moción.**

Sendo as vinte horas trinta minutos abandona o salón de sesións Dª Mª del Carmen Rodríguez Cunha.

D).- MOCIÓN DE URXENCIA DO GRUPO MUNICIPAL DO BNG EN RELACIÓN COA NORMALIZACIÓN LINGÜÍSTICA.

ANTECEDENTES

Pola Presidencia dase lectura á moción presentada polo Grupo Municipal do BNG que transcrita dí:

MOCIÓN PRESENTADA EN NOME DE: A MESA POLA NORMALIZACIÓN LINGÜÍSTICA, ASOCIACIÓN SÓCIO-PEDAGÓXICA GALEGA, BLOQUE NACIONALISTA GALEGO, COMITÉS ABERTOS DE ESTUDANTES, COMITÉS ABERTOS DE FACULDADE, CONFEDERACIÓN INTERSINDICAL GALEGA, NOVA ESCOLA GALEGA, E SINDICATO LABREGO GALEGO.

A lingua de Galiza, o galego, segue a sufrir un proceso de marxinação. O seu uso público é aínda moi escaso. Non goza da naturalidade de uso social necesaria, e todos os esforzos normalizadores non renden o suficiente ao non teren correspondencia nen protección institucional.

A totalidade dos estudos, da orixe que sexa, confirman a perda importante de galego-falantes. Mesmo, un informe recente da UNESCO ven de corroborar o retroceso xeracional alarmante do noso idioma, que de continuar esta tendencia poria en perigo o seu futuro.

Porén, a lexislación propia existente non se cumpre adecuadamente, pasando a ter un valor meramente testemuñal ou declarativo. Tampouco se garante o respecto dos dereitos máis elementais das persoas e dos povos, como os reñecidos na Declaración Universal dos Dereitos Lingüísticos e na Carta Europea das Línguas Minoritarias - subscrita polo Estado español-.

Compre, pois, paralisar o deterioro do sistema lingüístico do noso idioma, e contribuírmos co noso compromiso á recuperación e promoción dos usos sociais do galego.

Por todo isto, solicitamos do Pleno da Corporación a adopción dos seguintes acordos:

1.- Impulsar unha política lingüística favorábel ao galego en todas as súas actividades e servizos, conforme á legalidade vixente, tanto nos usos orais como escritos, que garanta, especificamente, a atención ao público galego-falante no seu idioma.

2.- Instar á Xunta de Galiza a:

2.1.- Proceder á redacción urxente dun Plao Xeral de Normalización Lingüística destinado á normalización plena dos usos sociais do galego.

2.2.- Dar cumprimento inmediato do Decreto 247/95 de galeguización do ensino.

2.3.- Garantir o uso do galego como lingua veicular do ensino na etapa infantil e no 1º ciclo da Educación Primaria, ao alumnado galego-falante, en cumprimento do dereito fundamental recollido tanto no artigo 8 da Carta Europea das Línguas Minoritarias; no artigo 2, apartado 1, da Declaración Universal dos Dereitos Lingüísticos; e, como no artigo 1º, apartado 4, do Decreto 247/95, que desenvolve a Lei 3/1983, de Normalización Lingüística.

2.4.- Promover a presenza real do galego en todos os campos de actividade, ensino, administración, medios de comunicación, xustiza, novas tecnoloxías, toponimia propia...

3.- Manifestar o apoio da Corporación Municipal a prol da manifestación convocada para o día 17 de maio, ás 12 da mañán, na Alameda de Santiago de Compostela, polo dereito elemental a aprendermos en galego.

VOTACIÓN DA URXENCIA

O Concello Pleno, en votación ordinaria e por unanimidade dos seus membros presentes **acorda a declaración de urxencia** da moción e o tratamento e consideración da mesma.

INTERVENCIÓNS

D. Manuel Conde di que vai apoiar a moción, pois ten apoiado dende sempre o uso do galego, pero sen esquecer que somos un pobo bilingüe, e non se poden impoñer as cousas pola forza.



NUMERADO
ORACIÓNS
OCAIS

Serie A N.º 1176124

VOTACIÓN E ACORDO:

O Concello Pleno, en votación ordinaria e por unanimidade dos seus membros presentes, **acorda aprobar o texto da moción.**

ROGOS E PREGUNTAS

Non se formularon.

E, non habendo mais asuntos que tratar pola Presidencia dase por rematada a presente sesión sendas as vinte horas e coarenta e cinco minutos da data indicada no encabezamento, en proba de todo o que se estende a presente acta, que se inscribiu no Libro dende o folio trinta e un do Papel Timbrado da Comunidade Autónoma de Galicia, Serie A nº 1176118, ata o folio trinta e sete, Serie A nº 1176124, de todo o que como Secretaria do presente acto, dou fe.

O Alcalde

A Secretaria

Asdo: Xaime Rei Barreiro

Asdo: Ana Isabel del Cerro del Río



NUMERADO
ORACIÓNS
OCAIS